

近代中國史料叢刊第二十七輯

沈雲龍主編

敝帚齋主人年譜

徐
夔著

文海出版社印行

敝帚齋主人年譜自序

昔靈均賦騷紀庚寅之降淵明自祭編甲子之詩
臺卿志壙元凱沈碑類皆敘述修能發摠懷抱其
不自菲薄一息千古之心非苟焉已也僕生長童
土浮沈積台傳舍寄如秦贅囊粟饑於侏儒藝海
千尋飲鼯鼠之勺水冰署十載滯鮎魚之竹竿鮓
仲之生也無益敬叔則喪不如貧計惟荷埋人之
鋪高沒字之碑幻身世於浮漚溷先生於烏有呼
牛呼馬聽客所爲曰龍曰蛇匪賢胡阨无咎無譽
不識不知庶鄧禹不至笑人魏收可以藏油而欲

10/10/58 PM

畫混沌之眉目紀螭蛄之春秋則我學山鳥自呼
其名人食蛤蜊不知許事矣然而生當

聖代家世業儒溯孤矢於厥初惟門戶之所寄風
前翦髻摩頂犬子之呼雪夜橫經提耳鯉庭之訓
睠言栝棖敢委逝波十二而識金鑲弱冠而遊蠻
序言了家禽技逞磔鼠譽之者決爲破浪惡之者
嗤爲價轅旣登賢書始觀上國寵吏部高軒之過
當陸機入洛之初劉毅乞炙未冷牛心江式談經
不辱狗齒經瑣闥之三黜迨閩苑之初遊鴉塗或
弃於法家驢券或呼爲博士簪毫東觀修

先皇實錄之書需次西臺勞

御筆屏風之記當夫詬逋人去問字酒來猿擊鐵
以傾壺鶴開籠而驗客筍冠狂脫搜秦碑漢碣之
文蔗杖歡呼半日下雲間之選亦復碩人自譽先
生解嘲無何黃巾賊起阜帽人歸飛燕磯頭鼓聲
沈雨佛狸祠下笳吹呼風醉兵狂舞於荻船有女
叱離於菴谷縛袴作桓公急裝操楫與樊噲爲伍
書生叩馬乞渡河蒼兕之師炎帝駟虬流王屋赤
烏之火令我至今心悸此事烏可不傳又况江國
陸沈故人慷慨怒傷猿鶴耳叫鶴鷗西臺朱鳥之

吟謝翺痛哭北方赤狐之懼宋玉招魂卽或劫灰
幸免畏壘僦居而生者吹吳市之簫逝者賦山陽
之笛望靈修其不見吹參差兮誰思黃祖論心多
賊射鳩媒之懼健兒把臂雜雞鳴狗盜之雄鵬賦
自嗟鴟音日瘁溺人必笑傷如之何又復小艸出
山苦匏求濟梁鴻之熱竈因人范叔以絺袍贈我
息壤在彼蕪蕪曷忘至於阿輓題詩玲瓏遺唱感
半出於淪落事不接於風流問影問形或歌或泣
冀同伯玉之知非竊倣門律之自序知交好事譜
敘成書見之汗顏棄之可惜以志吾過何恤人言

加我數年再增一卷若逢日者算磨蝎以占余爲
告巫陽早靈龜之舍爾歲在戊午孟冬月主人自
序於虎邱舟中



目
月

三

--	--	--	--	--	--	--	--	--	--

敝帚齋遺書總目

未灰齋文集八卷

未灰齋外集一卷

讀書雜釋十四卷

小腆紀年二十卷

未刻

周易舊注十二卷

禮記彙解

月令異同疏解

四書廣義

說文引經攷

小腆紀傳

明史藝文志補遺

延平春秋

徐氏本支世系譜一卷

度支輯略十卷

未灰齋詩鈔四卷

男承

所豐示喜承任

謹志

敝帶齋主人年譜

同里諸子編輯

承祖

男承禧謹注

承禮

主人姓徐氏名燕字彝舟號亦才江蘇六合
人世居南門外龍津橋南

始祖光福公先世以明勳臣裔世襲錦衣衛
帶刀都指揮隆慶初偕兄弟由上元遷六合
遂家焉主人其九世孫也

曾祖必純公字佩蒼候選直隸州同知元配

陳太安人繼配樂太安人

祖鑑公字藻亭號遠邨廩膳生候選訓導以
主人貴 累贈中憲大夫元配何太恭人繼
配汪太恭人

父石麟公字穆如號軼陵廩貢生候選訓導
歷署邳州學正宿遷教諭儀徵訓導以主人
貴 累贈中憲大夫母洪太恭人

兄鼎字吉芝歲貢生候選訓導咸豐戊午粵
匪陷六合殉難 贈國子監學錄予雲騎尉

世襲罔替入祀昭忠祠以主人貴 馳封中

憲大夫

謹案原譜闕世系今依黎洲金石例補纂以著氏族之源流焉

嘉慶十五年庚午年 歲

是歲夏四月初九日壬辰午時洪太恭人生
主人於邑南門外前街之舊宅時贈公年三
十九歲太恭人年三十四歲主人兄弟四人
長兄蓉次兄吉芝明經三姊蓉姐主人其季
也太恭人體素羸主人生五月頭無毛髮家
人呼爲秋葫蘆子又呼爲拏藤瓜負乳媪不

稱意久得孫氏乃安

辛未年二歲

壬申年三歲

癸酉年四歲

是歲長兄蓉殤

甲戌年五歲

乙亥年六歲

是歲從贈公授毛詩

丙子年七歲

是歲兄吉芝入泮年甫十四歲

丁丑年八歲

是歲隨贈公移居舊宅之後身授尙書

戊寅年九歲

己卯年十歲

庚辰年十一歲

道光元年辛巳年十二歲

先是主人病喑且不慧從兄弟相撲爲戲嚙
皮破不爲怒叔趾堂公以爲癡讀詩緇文章
苦聲牙不成誦書盤庚三行終日不省記被
贈公笞責太恭人謀俟少長令學賈而日者

謂當以科甲文章顯太恭人告以不能讀日
者曰是兒尙未扎根原注走無常者謂前過

生未葬爲未扎根

十二歲則不爾是歲春二月病幾殆逾月差
哮亦頓止贈公授以學庸孟子周禮日誦千
言授制藝題爲君君臣臣句主人成兩大比
贈公喜謂兄吉芝曰吾家又得一秀才也秋
七月大水瘟疫作街衢有舟行者

壬午年十三歲

是歲五六月閒贈公以兄吉芝食餼事赴江
陰主人隨侍太恭人一日獨坐書齋大雷雨

怖臥榻上逾時雨止一物狀如犬自榻下突出緣屋走主人囑告太恭人謂眼花夢魔之所致耳少長讀稗官書見有狐避劫事主人始自疑然未敢以告人也

癸未年十四歲

是歲赴縣童子試主人以年幼試於內齋初覆題雖蔬食菜羹瓜祭主人結尾一段集毛詩八句叶韻邑侯賀吉人先生疑爲勦襲詰之主人對曰詩經耳誰不讀何勦襲爲先生笑而賜肴饌焉

甲申年十五歲

乙酉年十六歲

是歲院童子試題不賢者三字主人以周禮左氏傳分兩大比學使者加墨圈以字蹟太劣且有別字批太癡心置之

丙戌年十七歲

是歲縣童子試題孰敢不正至荀子之不欲主人小講起句云且爲上者不患民之有放心而患己之有欲心姻家董錫疇茂才亟賞之曰子文有奇氣好爲之主人向好弄觀證

角戲汗流足爾不爲疲自是折節力學

丁亥年十八歲

是歲隨贈公館姚氏邑侯熊民懷先生

謹案先生

名傳栗道光壬午進士

試童子拔主人第二人初覆經

題授珠王者以掬授弓劍者以袂主人集經

語爲儷句上元溫翰初先生

謹案先生名肇江道光壬辰進

士官至戶部主事

閱卷謔爲窩才府試余麓門太守

謹案太守名霽元嘉慶己未進士

拔第七人青浦胡編修

履

吉

時以孝廉主六峯書院講席見主人文曰

此他日名進士也

戊子年十九歲

是歲隨贈公館周麓西先生學署同受業者

為朱臥雲比部

麟祺 謹案比部道光丁未進士官刑部主事咸豐癸丑隨侍

郎 呂賢基赴舒城勦賊陣亡贈知府銜道諡武毅

唐薇階庶常

嘉德 謹

案 庶常咸豐丙辰進士由庶吉士出知吉水縣現官湖北候補道

適學使者

郵遞諸生觀風試卷贈公就麓西先生索觀

之先生曰無庸此百十人不逮文郎及諸弟

子有成就也時比部庶常尙總角不能文惟

主人少長無可徵信贈公謂先生言誕先生

曰僕非妄言者二十年後當有驗惜我二人

不及見耳主人嘗舉以告人莫解其故秋院

試復被黜冬十月娶沈淑人

謹案原譜作恭人茲追改下皆

此做主人好楚詞文選贈公恐誤童子試不之

許乃就閩中私讀之

己丑年二十歲

是歲縣試邑侯光地山先生

謹案先生名謙嘉慶癸酉舉人

拔主人第四人主人以不第一人為恨出不

平語自是有狂名府試蘇鼇石先生

謹案先生名廷

玉同安人嘉慶甲戌進士累官四川總督左遷大理少卿

拔第一五覆四

冠其軍比入謁先生日子文筆明亮不久滯

諸生也秋院試學使者爲申鏡汀侍郎

謹案侍郎

名啓賢延津人嘉慶壬戌翰林官至山西巡撫諡文恪

主人入泮又冠

其軍

庚寅年二十一歲

是歲沈淑人之舅氏李恩元爲太湖副將招主人往始遊蘇常有夜渡太湖真娘墓五人墓詩九月隨李公往京口有自丹陽達京口詩李武人遇事凌侮主人不樂辭歸

辛卯年二十二歲

是歲館同里余氏好歐蘓之文作唐肅宗靈

武卽位論悼蘭說讀衛湜禮記集說陳祥道
禮書謂足以羽翼注蔬暢鄭孔未達之義箸
禮記彙解謂近日八股膚淺取有明及國
朝諸名家文探索源流而尤好方黎如集虛
齋藁批點至再秋七月大水街衢行舟鄉試
改九月八月始科試學使者汪巽泉侍郎謹案
侍郎名守和樂平人嘉慶丙辰翰林官至禮部尙書置主人優等餼於

庠鄉試下第

壬辰年二十三歲

是歲春正月沈淑人生長子承禧鄉試下第

謹案文集是年四月
作六合烈婦陸氏傳

癸巳年二十四歲

是歲科試學使者廖鈺夫侍郎

謹案侍郎名
鴻荃侯官人

嘉慶己巳翰林累官工部尙
書左遷太常寺卿諡文恪

置主人優等邑

侯文昌雲澹人先生

謹案先生名茂琦道光
丙戌進士終於東部稽

勳司
郎中修六峯書院月課諸生極賞主人謂為

書院第一人

甲午年二十五歲

是歲鄉試下第有書懷示內詩云兩字科名

春夢老一年心事落花榮之句贈公見之大

訶責因焚其橐

乙未年二十六歲

是歲春病目醫家進滋陰降火之劑大劇書院月課至不能自書試卷口授弟子代書之會病瘥不得已進溫燥之劑瘥已而目疾亦少痊歲試三等抑鬱甚兄吉芝以聞於贈公贈公促主人歸不許赴鄉闈婉求之乃可中

式第三人

謹案是科闈題君子不以言舉人柔遠人則四方歸之懷諸侯則天

下畏之有安社稷臣者以安社稷為悅者也詩江面山樓月照時得樓字

主試為

華陽卓海帆闈學

謹案闈學名乘恬嘉慶壬戌翰林官至武英殿大學

士諡 襄陽單地山編修 謹案編修名懋謙道
光壬辰進士歷官武

英殿大 房師為侯官林蘇門大令 謹案大令
名春洛道

光乙未 進士 詩文具刻闈墨中

丙申年二十七歲

是歲春正月偕同年吳研塘 家桐 沈蔭溪 樾

謹案吳君江浦人沈君同邑人沈淑人之
從子也後官國子監監丞改丹徒縣教諭 赴

禮部試薦卷不售房師為黃梅吳檢討 文林
謹

案檢討字葆虛
道光己丑進士 將南旋贈公寓書曰汝負過

人才氣未經磨鍊宜留京師少嘗艱苦大司

寇江都史問山先生 謹案司寇名致儼
嘉慶己未翰林 見主

人鄉墨喜曰此李石臺一流人也延教其孫

司寇家藏書甚富分經史子集類書詩詞為

六大部書匪高與屋齊主人得次第藉讀之

時溫翰初先生官農部就正焉因得交農部

之弟明叔學士謹案學士名葆深道光壬午及

上元梅伯言曾亮官戶部郎中為桐城姚部郎

弟著大江南北者數十年馬湘帆沅君道光

已丑翰林江寧何青耜兆瀛子道光丙午舉人現

官杭嘉湖道鄧子久爾恆林解筠制軍之子也累官

雲南布政使咸豐辛酉擢巡撫未任調句容

陝西行至曲靖為叛將所害諡文愨

陳卓人立出 謹案陳君道光甲辰翰林由御

載籍窮心經術與府君交陽湖張仲遠 曜孫

尤擊時以古義相切劇案張君道光福州陳念庭 金城永春賴子瑩

癸卯舉人其瑛道 主人初為唐四傑駢體

君均道光中舉人 之文揮灑輒千百言仲遠子瑩勸以漢魏為

宗讀羣經抄撮眾說念庭勸以專經主人慨

然曰吾向者固未有師承也取所作駢四儷

六文暨禮記彙解諸書拉雜摧燒之以許鄭

之書為宗為駢文不取法唐以後人晝夜攻

苦如未嘗學問者三年如一日

丁酉年二十八歲

是歲仍館史氏

謹案文集是年上雲澹人說

經之書雖與宋儒多所抵牾而其思慮精專

堅守師法實足以昌明周孔之傳而補心性

諸儒之過懼其久而散佚擬效買孔之例與

同志數人集皇清經解諸儒之書於藏本

未刻行世者成十三經後疏之學就中惟易

論語稍有端緒云詩鈔是年有題湯海秋太

戊戌年二十九歲

是歲春會試薦卷為固始視銜哇大鴻臚

謹案

也當在甲辰乙巳之閒蓋詩鈔誤編於是年

禮部主事果擢山東道監察御史以言事罷

終於甲辰七月玩詩詞乃題於捐館後者則

鴻臚名慶著等慶甲戌翰林累總裁以額滿
官禮部尙書左遷內閣學士

置之乃南歸念父母春秋高不欲遠遊而贈

公以主人家食為憂會問山司寇卒於京師

遺言謂延師教讀非徐彞舟不可公子穎生

丙榮 扶柩歸揚州主人感司寇國士之知乃

遊揚州與劉孟瞻文洪謹案劉君儀徵人

遭亂感憤以卒許宗衡太史稱其湛深經術治行不苟不愧為純儒焉念樓寶楠

即謹案劉君號楚楨寶應人道光庚子進士即用知縣讀書雜釋三禮國中以策彗郵勿

驅塵不出軌一條余謂郵勿搔塵一聲之轉偶為全椒金君禹谷望欣寶應劉君楚楨寶

楠言之禹谷楚楨謂此草慮說為長云云末書已亥六月二十四日又論語文獻不足

故也一條友八上元楊正命大培嘗與余言
大誥民獻有十夫書大傳作民儀有十夫獻

乃儀之畧借字也論語文獻不足故也當是
文儀不足故也此事不得其年金楊二君出

處無致均羅茗香土琳經術尤精羅君甘泉人
附記於此

所箸四元玉鑑細艸句股容三事拾遺春秋
朔閏昇同說三禮補算皆紹述絕學之業儀

徵阮文達公嘗謂近日海內言算學者自徐
部耶筠卿後以君稱首焉咸豐癸丑死於揚

州之陳卓人立梅蘊生植之薛介伯壽訂交

問難既多劄記日富有讀書雜釋之作成戴

記呂覽蔡氏月令異同疏解四卷箸說文引

經攷未成丹徒柳賓叔榮宗以所箸書見示

主人歎其精核乃燬已彙自遊揚州後酬畚

唱和詩文漸多謙案詩鈔是年夜發高郵詩云扁舟三日擱魚磯算定歸

期未得歸又明年元宵後二日抵揚州詩云征衫纔浣去年塵又策疲驢渡曉津以詩攷

之蓋府君歲杪返里明正復至廣陵也

己亥年三十歲

是歲仍館揚州先是主人博治衆經而苦易

義深奧未卒業贈公曰聖人言學易寡過汝

不思寡過乎取言易之書博觀之謂王韓程

朱之說雖純駁不一而外象數以言性命終

非聖人作易之旨取明何楷 國朝惠棟張

惠言姚仲虞之書添注之塗乙之將有周易

舊注疏證之作乃詳稽孟京以下諸儒訖於

干寶輯周易舊注若干卷

謹案詩鈔是年有端陽後一日遊莫

慈湖七言絕句一首可爲府君夏閒遊金陵之證

是秋梅蘊生舉於

鄉約同人赴計借劉念樓殊不欲行主人勸
之曰君以館穀足謀生不欲舍去計良是願
明歲爲大挑年若得二等較授徒爲不勞而
獲矣念樓諾之臘盡歸里治裝而贈公患瘵
瘵主人乃書辭偕行之約前邑侯熊民懷先
生過六合勉主人以成名爲孝願假資斧主
人涕泣辭先生深然之是秋九月女阿紅生

奉贈公命爲子承禧聘張氏

庚子年三十一歲

是歲主人與兄吉芝視贈公湯藥夜不解衣
就寢鐙下校老子疑河上公注爲僞作合王
弼注本參攷之成老子校勘記既而贈公疾
增劇乃捐書籍奔走醫卜三月十一日酉刻
贈公薨壽七十歲喪葬畢家益困夏大水街
衢行舟薪米踊貴走天長謁房師林蘇門先
生先生之同懷弟鑑塘編修春溥舊有四書
拾遺一書先生病其簡略屬主人推廣之乃